

وما قدروا الله حق قدره | أجمل (001) يوم في حياتنا | د .

حازم شومان

حازم شومان

السلام عليكم. ايه الشراوية ناموا ولا ايه ده انتم اللي عزمتموا القطر دكتور عبدالرحمن دكتور عبدالرحمن سباق بالخير دايمًا ودكتور غريب ما شاء الله يعني يعني استأنا يعني ان شاء الله بازن الله زعيم الجماعة كلها دكتور غريب رمضان - [00:00:16](#) كان زمان زعيم الجماعة بيتودي في داهية دلوقتي خلاص بقى الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله. اللهم صل على محمد وعلى آل محمد كما صليت على ابراهيم وعلى آل ابراهيم انك حميد مجيد. اما بعد - [00:00:39](#)

فيعني المفاجأة يا اخواني في الله باقي ميت يوم على رمضان. ميت يوم على رمضان واحد ثمانية. واحد وتلاتين سبعة هو تلاتين شعبان واحد ثمانية والنهارده عشرين اربعة. يعني خمسة وستة وسبعة لتسعين يوم وعشر تيام في شهر اربعة. يعني ميت يوم تقريبا على رمضان - [00:01:03](#)

فهل استعددت لذلك الشهر العظيم؟ الايام عدت بسرعة لا نتخيلها. الواحد فاكر السنة اللي فاتت ايام كم كلمة باقي ميت يوم على رمضان دي؟ ياه! السنة عدت بهزه السرعة يا اخواني! بهزه السرعة وفينا ناس علاقتها بالقرآن - [00:01:31](#) يعني في اشد التذبذب من رمضان اللي فات. فهل استعددت يا اخواني في الله دي اعمارنا؟ الواحد بيتقهر كل ما يحس ان رمضان بيقترب. اي والله. بحس ان ايه ده! احنا عملنا ايه السنة اللي فاتت دي! بذلنا ايه! تقدمنا فين! لسه في نفس المكان - [00:01:51](#) كم احنا مش عايزين نحبط بعض بالعكس التيار السلفي يا اخواني في الله عايز نقلة عارفين اللي بيركب عربية ويطلع على الطريق السريع جاب الاول الثاني لازم يجيب الثالث الرابع لازم ينقل. كذلك يا اخواني انتم كمان لازم تنقلم. انتم كمان الشباب اللي احنا كنا بنبص لهم ونقول الشباب اللي الشباب اللي ما عندوش - [00:02:11](#)

جدية وما عندوش هدف ربنا استعملهم في تغيير اكبر نظام ديكتاتوري على وجه الارض. انتم انتم هتعملوا ايه انت الطاقة اللي جواك اوعى تستقل بها. اوعى حد يحسسك ان انت ما انتش كويس او ان انت ما عندكش طاقة تقدر تغير الدنيا دي كلها - [00:02:31](#) يا اخوانا الصحابة يعني يمكن كان عددهم يعني يمكن النبي عليه الصلاة والسلام في دروسه في المسجد النبوي ما كانش بيبقى العدد كده. سبحان الله لكن كل واحد منهم كان فاتح من الفاتحين. هاتوا لي الوقت من الجامعة اللي قاعد قدامك خالد ابن الوليد -

[00:02:51](#)

وعايزين نبقي عشر العدد ده. هاتوا لي مصعب اللي يروح يفتح المدينة المنورة. هاتوا لي معاذ ابن جبل حامي اللواء العلمي يوم القيامة. هاتوا لي سلمان الفارسي اللي يلف الكرة الارضية - [00:03:07](#)

طلبنا للوصول للحق هاتوا واحد من هؤلاء العظماء الشهر اللي بيصنع فيه هذه النماذج هو شهر رمضان يا اخواني. عشان كده يعني انا يعني يعني اتيت اذكركم بهذه الحقيقة الخطيرة ان باقي ميت يوم على رمضان. كل واحد منا لازم يبدأ يجهز نفسه. لازم نبدأ -

[00:03:17](#)

يا جماعة ده لو ماتش نهائي كاس العالم مصر هتلعبه يوم واحد ثمانية البلد كانت اتقلبت من السنة اللي قبل اللي فاتت واحد يقول لك قبلها بمية يوم وهنبدأ نتكلم. يا جماعة على قد خطورة الحدث. على قد خطورة الطلبة اللي عندهم امتحانات سانونية عامة. بيستعدوا

لها دلوقتي - 00:03:39

ولا لأ ؟ حد بيقول لهم انتم جايين بدري! ودي علشان شهادة من شهادات الدنيا. فما بالك باعظم شهادة في حياتك! ابواب الجنة الثمانية هتفتح كل باب رايعينه غير الباب الثاني. كل نوع من انواع الجنة مشاهد النعيم اللي فيه. ما لا عين رأت حتى عيون اللي

سكنوا انواع - 00:03:59

الجنة السبعة التانيين ما لا عين رأت. كل الفرصة المهولة دي مفتوحة قدامك. ابواب الجنة الثمانية هتفتح قدامنا بعد مية يوم. يبقى المفروض انك تكون في قمة استعدادك الان عشان كده انا اريد في هذه الدقائق ان انا اذكركم بكتاب الله. هذكركم باية تيجي ايتين

على حسب الدقائق المتبقية. اذكركم - 00:04:19

قول الله وما قدروا الله حق قدره والارض جميعا قبضته يوم القيامة. والسموات مطويات بيمينه. وما قدروا الله للأسف هي دي مشكلتنا. ان احنا بنعبد وربنا بس مش عارفين ربنا. عارفين ان ربنا عزيز بس عزيز قد ايه. ربنا كريم بس كريم قد ايه. ربنا قادر بس

قادر قد ايه. ربنا جميل - 00:04:41

بس جمال ربنا قلبك وانت بتقول اللهم ارزقني النظر لوجهك الكريم. انت قلبك عايش مع المعنى ده. اي ربي وجهك. الكلمة اللي كنت بفكر فيها يا امبارح ويمكن الواحد يفكر في الكلمة دي الايام ده هي مع الانفتاح الدعوي اللي لم نكن نتخيله ولا نتوقعه في الجامعات

والكليات وبلاد مصر والصعيد - 00:05:05

والشراقة وفقوس والنت والقنوات الفضائية والنوادي والشوارع اصبح المجهود اللي مطلوب من الدعاة يعني فعلا ربنا وحده اللي يعلم به ربنا وحده اللي يعلم به. واخوانا لسه جايين من الصعيد امبارح. انا استغربت لما عرفت ان دكتور عبدالرحمن ودكتور غريب

جايين المؤتمر دلوقتي. وهم لسه الطيارة بتاعتهم - 00:05:25

مواصلة النهاردة الصبح سبحان الله يا اخواني المطلوب فالواحد الايام دي عايش مع معنى اي رب وجهك اي رب وجهك يوم القيامة عند اية يوم القيامة لما كل الناس كل الناس خلاص ماذا تريدون؟ نريد ان تسقينا نريد الكل هيموت على شربة ميه ويجوا يسألوا

المؤمنين - 00:05:50

ماذا تريدون؟ يقولوا اي رب وجهك؟ اي رب وجهك؟ يا اخوانا دا الناس هتقطع حروقها من العطش. وانتم دلوقتي كل همكم انكم تنظروا لوجه الله. يعني حتى مش بيقولوا اي رب الجنة اي رب وجهك. وبعد كده يقولوا يا رب تركنا الناس في الدنيا - 00:06:10

ما كنا اليهم وفارقناهم. احنا يا رب سبنا الدنيا والي فيها. وسيبنا احبابنا. ونسيت نفسي. واعتزلت احبتي نسيت حبي واعتزلت

احبتي ونسيت نفسي خوف ان انسانك. احنا يا رب سبنا الدنيا والي فيها عشان النهارده ننظر لوجهك - 00:06:30

كريم يا رب. وما قدروا الله حق قدره. يوم القيامة يوم ما هنشوف يوم ترى المؤمنين والمؤمنات يسعى نورهم. لما نشوف المؤمنين على منابر النور ساعتها يا جماعة كلنا هنتعجب! بقى الطاعة كانت بترفع للدرجة دي واحنا ما كناش عارفين! لما هنشوف عقوبة

العاصي هنتعجب - 00:06:50

هو المعصية. عصيان ربنا لهذه الدرجة. لهذه الدرجة عظيم. لهذه الدرجة خطير. زي حديث النبي عليه الصلاة والسلام لا يأتين احدكم بحسنات امثال جبال تهامة بيضاء. اوعى تيجي يوم القيامة معك جبال حسنات جبال. الملايكة بتحط في كفة الحسنات جبال -

00:07:10

سيجعلها الله هباء منثورا. تنتسف من على الميزان. سيئتئين ثلاثة يتحطوا في كفة السيئات ينسفوهم. ازاى يا رب يناديك بال الرسول عليه الصلاة والسلام قال كانوا اذا خلوا بمحارم الله انتهكوها. يعني القضية مش المعصية. القضية - 00:07:30

انهم جعلوا الله اهون الناظرين اليهم وما قدروا الله حق قدره. والارض جميعا قبضته يوم القيامة. الارض في قبضة الله. الله مهيمن على مقدرات كل شيء في الارض والسموات مطويات بيمينه. الكلمة دي يا اخوانا انا مستغرب ازاى ما بتخلعش القلوب خلع!

والسموات مطويات بيمين - 00:07:50

كلمة تخلع القلب خلعا. يا نهار ابيض! السباط لله المثل الاعلى ده لو جنبنا اقوى واحد في الدنيا عشان يطوي العمودي دهو او العمود

الصغير دهو بيمينه مش هيقدر. عشان يطوي شجرة بيمينه مش هيقدر. اومال السماوات السبعة بمليارات المليارات من المجرات دي؟
مطوية - 00:08:14

بيمينه ايه قدرة ربنا سبحانه وتعالى والسماوات ما طولت السما الوقتي فرصة بتبص لها وتقول سبحان الله! في لحزة الفرصة هتتقفل الحق اشتغل قبل ما الفرصة تتقفل. السنة اللي فاتت كنا بنقول الحقوا رمضان رمضان راح ورمضان اللي بعده جاي. الحقوا يا جماعة زي ما السماوات هتطول الاعمار بتطول - 00:08:34

الاعمار بتطوى وهتلاقي نفسك بين ايدين ربنا. كل شوية بنقول الحقوا رمضان جاي. الحقوا عشر ذي الحجة جاية. الحقوا المواسم جاية الحقوا التلت الاخير من الليل هيبجي في لحزة تلاقي كل ده راح خلاص. كل الفرص دي طويت خلاص. طويت الصفحات كلها. سبحانه وتعالى عما - 00:08:54

ونفخ في الصور فصعق من في السماوات ومن في الارض نفخ سبحانه الله نفخة ربنا اقام بها السماوات ونفخة ربنا امات بها السماوات الكون ده ما يستحملش نفخة. من جند من جنود ربنا نفخ في الصور. فصعق من في السماوات ومن في الارض. سبحانه الله
- 00:09:14

ربنا يأذن ان تخيل صعق جماعي لكل المخلوقات اللي ساكنة في السماوات والارض بنفخة واحدة بس. الا المخلوقات او الناس او الملائكة اللي ربنا يأذن الا تصعق. يا نفخة كوني بردا وسلاما على فلان. كوني بردا وسلاما على محمد ابن عبد الله. كوني بردا وسلاما على - 00:09:36

موسى ابن عمران ربنا قادر فصعق من في السماوات ومن في الارض الا من شاء الله ثم نفخ فيه اخرى بنفخة تانية هتقوم الدنيا كلها كلها والسماوات كلها. فاذا هم قيام ينظرون. اذا المفاجأة هم هم اللي كانوا تراب الوقت ترابهم متفرق. شوية من تراب جسمك -
00:09:56

البحر الاحمر وشوية في البحر المتوسط. وشوية في استراليا وشوية في الصحاري بتاعة الارض. فاذا هم قيام اذا قام الماء اي وقف متحيرا لا يدري الى اين يذهب؟ الناس طالعة من قبورها مش عارفة تروح فين. ينظرون كل واحد بيدور على مكان مخرج مش لاقى. كل واحد ببص مشدوه من المناظر مش عارف يروح فين - 00:10:16

واشرقت الارض بنور ربها. يا رب ده ارض المحشر زلام. هتشرق لمين؟ هتشرق للمؤمنين. يوم القيامة يا جماعة اعجب مكان هي ارض القيامة النور جنب الظلام. مشاهد النعيم جنب مشاهد العذاب ليه؟ زي ما كان اخين في بيت واحد. ده بيقوم الليل وده سهران قدام قنوات فضائية - 00:10:36

يتفرج عليها زي ما كان اتنين اصحاب في كلية واحدة. ساعة اذان الظهر ده يروح يصلي في الجامع وده يقف يبص لديه ولديه. اشرقت الارض. تخيل لما المؤمنين رهيب عظيم. وجننه المشرك او الكافر او العاصي او الفاجر. ما هوش متمتع بهذا النور. اشرقت الارض بنور ربها - 00:10:56

ووضع الكتاب وجيء بالنبیین والشهداء. وقضي بينهم بالحق وهم لا يظلمون. الشهداء هنا مش اللي ماتوا شهداء. الشهداء هنا اللي هيشهدوا عليه الشهداء اللي هيشهدوا على اعمالك امام الله. ووفيت كل نفس ما عملت. كانك هتأخذ عملك بالزبط. صوت وصورة. عملك - 00:11:17

تتجسد في شكل اعمال صالحة. ربنا سبحانه وتعالى لما قال يوم ترى المؤمنين والمؤمنات يسعى نورهم بين ايديهم وبايمانهم. بعض العلماء قالوا بايمانهم اللي هي اعمالهم ماسكينهم بايديها اليمين. زي ما كان مسلا تلاقي واحد راكب الطائرة ماسك جواز السفر مكلبش فيه. ده اخطر ورقة بالنسبة له دلوقتي في الدنيا - 00:11:37

ماسكين اعمالهم الصالحة اللي منورة لهم الطريق. اللي بتخدمهم في الطريق للجنة ووفيت كل نفس ما عملت. وهو اعلم بما يفعلون. وسيق الذي كفروا الى جهنم زمرا. الزمارة اللي كانوا بيخطوها في رقبة الكلب. فطول ما هو ماشي تحدس صوت زي المزمار -
00:11:57

تحدث صوت لما سعيد آآ ابن جببر الحجاج ابن يوسف قبض عليه امر ان هو يجي له وهو في رقبته هذا الامر. يريدون ان الذين امنوا ولكن الله سبحانه وتعالى يأبى الله العزيز الرحيم سبحانه وتعالى. سيق الذين كفروا الى جهنم زمرا من معاني الزمر اي - [00:12:17](#) منقبضين متصاغرين في منزر احقر ما يكون. من معاني الزمر جاية برضو زي المزمرا. اصوات رهيبة. اصوات فضائحهم اصوات تضخم اصوات والناس بتتفرج عليهم وهم داخلين جهنم من معاني الزمرة المجموعة اللي ماشية ولكن ما بينها وبين بعض ما حدش طابق الثاني - [00:12:37](#)

ما حدش فيهم طابق الثاني سيق الموت في اللغة اسمه السوق. والحرب سوق الحرب يعني واحد بيتساء غصب عينه. لها يعني صيق يعني قهرا متساقين لجهنم. سيق الذين امال لما ربنا قال سيق الذين اتقوا ربهم الى الجنة زمرا. يا اخوانا احنا الوقتي على الارض - [00:12:57](#)

الجنة فين ؟ الجنة عند سدرة المنتهى. يعني بينا وبين الجنة سبع سماوات. طب يا ترى هتوصل ازاي ؟ لولا النجائب هتوصل ازاي ؟ ده انت الرحلة اللي للجنة زي رحلة المعراج. محتاج براق عشان توصل به الجنة. لان الجنة دلوقت بيترك وبينها سبع سموات. فسوق المؤمنين اللي هو ركوبهم - [00:13:17](#)

حتى يصلوا الى الجنة. واما سوق الكفار والعياذ بالله فقهرهم حتى يقادوا الى النار. وسيق الذين كفروا الى جهنم زمرا حتى اذا جاءوها حتى دي فضلوا غافلين. لحد ما لقوا نفسهم قدام ابواب جهنم. حتى اذا اذا للمفاجأة ما كانوا يتوقعوا ان النار كده. ما كانوا - [00:13:37](#)

توقعوا ان عذاب الله كده عاملين زي واحد ماشي جنب محل وما عهوش فلوس فلقى حاجة عجباه برقع جنيه. فقام بسرعة كده قام واخذها حاططها في جيبه وماشي فروح البيت ما حدش شافني. ما حدش شافني خلاص. شوية لقي الدبابات محاصرة البيت. ولقي قوات الخاصة عاملة هبوط بالمظليات - [00:13:58](#)

من طيارات ولقي هجوم على شقته. هو اخطر من خوفه من اللي هيحصل فيه. تعجبه هو انا عملت ايه ؟ يا اخوانا دي مشكلة اللي بيعصي ربنا. انه ما هو مش عارف ما قدر الله حق قدره. ما هوش عارف هو بيعصي مين. ما هوش عارف يعني ايه ربنا يعصى. يعني ايه ربنا يتقال له لأ - [00:14:18](#)

حتى اذا مفاجأة مش متوقعين ان جهنم بهذا المنظر حتى اذا جاؤوها فتحت ابوابها كانت مقفولة عشان يبقى الحرارة في ام لما تفتح بقى ويأتي عليهم من حرها وسمومها والعياذ بالله. وقال لهم خزنتها الم يأتكم رسل منكم يتلون عليكم آيات ربكم - [00:14:38](#) يندرونكم لقاء يومكم هذا؟ قالوا بلى ولكن حقت كلمة العذاب على الكافرين. زي والعياذ بالله العلمانيين والمتبليين والليبراليين والديمقراطيين وهذه المذاهب الهدامة المنهدمة اللي بيحاربوا ربنا سبحانه وتعالى في الدنيا. الى اين مصير هؤلاء ؟ بينما الذين ينازعون عن شرع الله - [00:14:58](#)

الذين اتقوا ربهم الى الجنة زمرا. طب ربنا ما قالش ليه زمرا وفرادي ؟ لان اللي مشي لوحده ده ما عرفش يوصل. اللي مشي لوحده ده هيقع هيقع مش هيقدر يكمل. ما حدش هيقدر يكمل يا اخواني غير اللي التزم بصحبة صالحة. غير اللي التزم ببيئة ايمان هو ده اللي هيقدر يكمل. سيق الذين اتقوا ربهم - [00:15:20](#)

الى الجنة زمرا حتى اذا جاءوها وفتحت ابوابها وقال لهم خزنتها سلام عليكم. طبتم فادخلوها خالدين لما الثمرة بتطيب يعني معناها ان كلها استوت. قلبك طاب. يعني الايمان استوى في قلبك كله. يعني ما فيش حنة فيها شهوات وحنة فيها ايمان - [00:15:40](#) قلبك كله بقى على الايمان. يا اخوانا فيه ناس هتطيب من وهي في الدنيا. فيه ناس هتطيب بعد عذاب القبر. فيه ناس هتطيب بعد احوال القيامة. فيه ناس تطيب لما تغمس في النار انت هتطيب امتي ؟ انت قلبك هيبقى جاهز انه يدخل الجنة امتي ؟ طبتم فادخلوها فاء التعقيب. يعني بدون ما - [00:16:00](#)

مش هتدخلها. الجنة طيبة لا يدخلها الا طيب. الجنة لا يدخلها عبد في قلبه مرض. الجنة لا يدخلها عبد في قلبه شهوة. الجنة لا يدخلها عبد شبهة لما قلبك يطيب ويظهر. طهر قلبك من الوقت وجاهد فيه. قبل ما لان لازم عشان تدخل الجنة يطيب قلبك. طبتم فادخلوها

- 00:16:20

خالدين وقالوا الحمد لله. امبارح كانوا يقولوا الحمد لله عبادة ومجاهدة. النهاردة دي اللزة بتاعتهم. زي الاية اللي بعدها وتري الملائكة من حول العرش يعني ايه زي ما ربنا وصف نعيم المؤمنين في الجنة؟ وصف نعيم الملائكة. نعيم الملائكة هو طوافها حول عرش الله -

00:16:40

وهي تحف من حول العرش من شدة الشك الى الله. وتري ان محمد يا ابن عبدالله لان الرسول عليه الصلاة والسلام بيسكن الفردوس الاعلى. وسكان الفردوس الاعلى يرون طواف الملائكة حول عرش الله. وده من نعيم سكان الفردوس الاعلى. وقالوا الحمد لله الذي

صدقنا وعده واورده - 00:17:00

قطن الارض ربنا سمى الجنة ورأسها ليه؟ اللي كسب ميت مليون جنيه غير اللي ورث مية مليون. اللي كسب ده طلعت عينيه عما جابهم. انما اللي تورث بكل سهولة. اللي كسب كانوا الف بقوا مليون بقوا مليار. انما اللي ورث ده خدهم مرة واحدة. اللي ورث ده -

00:17:20

لان من كل الف وكل واحد خلق له مكان في الجنة من كل الف فيه تسعمية تسعة وتسعين واحد. مش هياخدوا مكانهم. فاللي هيورث هذه الاماكن والمؤمنات فافوسع رزق المؤمنين في الجنة هو وراصة اماكن الكفار. وراصة ليه؟ لان الورس ما بيقاش بالتساوي. ده له

نص وده له الصدقة - 00:17:39

فوراثة لان برضه مقامات الناس في الجنة مش زي بعضها على حسب قبول ربنا لعمل كل واحد واجتهاد كل واحد في الدنيا حتى اذا جاؤوها وفتحت ابوابها من كل باب جاي انواع رايعين غير الثاني. من كل باب جايبة شاهد غير الثاني. الابواب التمانية بكل انواع

النعيم اللي فيها - 00:17:59

تفتح وقالوا الحمد لله الذي صدقنا وعده واورثنا الارض نتبوا زي الملوك كده. طب التبوأ ده لما ملك يتبوأ على عرضه ايوة يا جماعة يا اخوانا مش الرسول عليه الصلاة والسلام قال على المجاهدين ملوك على الاسرة ملوك على الاسرة ليه؟ يا اخوانا الناس - 00:18:19 بتوعين. نوع وظف حياته انه يحصل املاك. اشتغل عشان اجيب حطة ارض. اشتغل عشان ابني بيت. اشتغل عشان يبقى عندي املاك وناس وزفت طاقتها عشان الدين ينتشر في الارض. فتنسج املاك الدين مش املاكهم. دول بقى اللي اشتغلوا في الدعوة والجهاد -

00:18:39

عشان املاك الدين تنسج ما اشتغلوش لمصلحتهم الخاصة. ما اشتغلوش عشان هم اللي يزيديا زي دكتور عبدالرحمن دكتور غريب قاعدين يسافروا في البلاد ليه؟ عشان لكن دي بتنسج عشان سلطان الدين في الارض كان ممكن الايام دي يقضوها ان هم يحصلوا

ارزاق يبقى ده عنده ارض بكرة وده عنده عربية بعده. فدول ربنا يعملوا - 00:18:59

في القرآن بقى يخليهم ملوك الجنة. لان التانيين حصلوا بعمرهم ملك الدنيا ودول ضحوا بحياتهم عشان ملك الدين. فيبقوا هم ملوك الاخرة فاورثنا الارض نتبوا من الجنة حيث نشاء. يا جماعة دول اللي خدوا في الاخر كل حاجة. دول اللي خدوا كل انواع الجنة. دول

- 00:19:19

اعلى سمرة في يوم القيامة فنعم اجر العاملين. دي الكلمة اللي اتقالت من جوة الجنة. من جوة الجنة اهل الفردوس الاعلى. باعتين

لكم الرسالة دي يا اهل الدنيا. يقولوا لكم واحق القول - 00:19:39

لقول الله نعم اجر العاملين بعد ما دخلوا الجنة وشافوا كل ليلة قيام ربنا اداهم بها ايه؟ وشافوا كل يوم صيام ربنا اداهم به ايه؟ وشافوا كل اية قرآن ربنا اداهم بها ايه؟ بعثوا لكم الرسالة دي من جوة الجنة نعم اجر العاملين. وتري الملائكة حافين من حول العرش

- 00:19:53

شدة الشوق الى الله. وتري الملائكة حافين من حول العرش. يسبحون بحمد ربهم. وقضي بينهم بالحق. وقيل الحمد لله مين اللي قال كده؟ اهل الجنة قالوها الملائكة قالوها الكفار اللي دخلوا النار دخلوا وهم يحمدون الله. بعد ما عرفوا حكمة - 00:20:13

ربنا في كل حاجة. وعظمة ربنا في كل امر. ورحمة ربنا في كل ابتلاء. عرفوا وكل واحد اساء الظن بالله. حتى وهو داخل جهنم

والعياذ بالله بيقول الحمد لله وببشني على الله. وقيل من الكون كله ومن كل زرة فيه. وقيل الحمد لله رب العالمين اشتقنا الى الجنة يا اخواني - [00:20:33](#)

شايفين الناس قاعدة ترفع اعلام مصر في كل حنة ازاي ؟ ويقول لك مصر حبيبتني يا مصر واي حد فيكم هيقول انا ما بحبش مصر هيبقى كداب. غصب عنك بتحبها. ويوم - [00:20:53](#)

مصر بتلعب مع اي فريق غصب عنك بتبقى من جواك نفسك انها تكسب. حتى لو زعلانين ان الناس ملمومة على الكورة فوق حجمها الحقيقي انت بتحب مصر لانها وطنك. امال هتتحب الجنة قد ايه ؟ امال هتتحب وطنك الحقيقي قد ايه ؟ لما بننزل ارض السعودية من الطائرة بننزل نسجد على الارض - [00:21:03](#)

فرحا بالكعبة. وشف الكعبة ده الكعبة ده احنا بينا وبين الجنة سبع سماوات. امال لما تدخل الجنة بحق وحقيقي في جوار ربنا سبحانه وتعالى هيبقى فرحك قد ايه ؟ وحبك لها قد ايه ؟ ربنا يرزقنا الفردوس الاعلى. انا اردت يا اخواني في الله ان انا ازكركم ببعض ايات من كتاب الله في تلك - [00:21:23](#)

المناسبة الخطيرة المهيبة الجليلة وهي ان باقي ميت يوم على رمضان. ميت يوم على رمضان كل واحد يروح الليلة يممسك المصحف ابدأ هات لك بقى ختمة كل شهر. هات لك ختمتين قبل رمضان. ابدأ افتح المصحف. مش مهم هتقرأ قد ايه. المهم قلبك هيدخل منه ايه - [00:21:43](#)

قلبك هيعيش قد ايه عشان تدخل رمضان تقدر الله حق قدره. تقدر رمضان حق قدره. تقدر العبادة حق قدرها. بيقول لك بيل جيتس بالجبس لو وقعت منه ورقة بمية دولار اغنى راجل في العالم. ووطى يجيبها هيخسر في السواني دي اكر من المية دولار اللي هيو في يجيبها. لان - [00:22:03](#)

سانية من وقته اغلى من ميت دولار. طب المؤمن بقى السانية من عمره تساوي ايه ؟ احنا يا جماعة كل حاجة بنعملها مستنيننا بها نعيم في الجنة ما لا عين رأت ولا - [00:22:23](#)

خذوا من سمعت ربنا يسدنا وربنا يجعل الميت يوم دول اجمل ميت يوم في حياتنا. واكثر ميت يوم بركة في حياتنا. واقرب ميت يوم الى الله في حياتنا ويجعلهم خير استعداد لشهر رمضان المبارك. ويجعل رمضان ده خير رمضان مر علينا في حياتنا. انه ولي ذلك - [00:22:33](#)

اسلام سعادتنا ورسول الامة قدوتنا بالحب الصادق اسلمنا ايات القرآن شمس هلت وارتسمت فرحة الناس لما حين تعلمنا ان الاسلام ارادتنا. وحدنا الله الاسلام سعادتنا قدوتنا بالحب الصادق اسلم - [00:22:53](#)